

**Obraćanje June Kunugi, predstavnice UNICEF-a,
na ceremoniji dodjele nagrada u FBiH za
takmičenje u crtanju povodom kampanje
“Ujedinimo se za djecu Ujedinimo se protiv AIDS-a”**
Sarajevo, 10.7.2008. godine

Dr. Zlatko Vučina, direktor Zavoda za javno zdravstvo Federacije Bosne i Hercegovine,
Cijenjeni gosti,
Dame i gospodo,

Ispred UNICEF-a, želim da čestitam svim učenicima koji su učestvovali u takmičenju i da se duboko zahvalim svim partnerima – posebno Zavodu za javno zdravstvo, Ministarstvu zdravstva i Ministarstvu obrazovanja u Federaciji Bosne i Hercegovine – koji su omogućili da ovo takmičenje rezultira velikim uspjehom. Posebno bih se htjela zahvaliti Dr. Almi Skopo, koordinatorici ovog takmičenja.

Rezultati ovog takmičenja u crtanju ističu i slave bogate kreativne talente djece u Bosni i Hercegovini. Najvažnije, također je imalo veoma bitnu društvenu svrhu. Kroz uspješnu saradnju, dobili smo uvid u percepciju, stavove i nivoe razumijevanja učenika po pitanju HIV/AIDS-a i njegovog utjecaja na mlade i društvo.

Tišina širi bolest, stoga prekidanjem šutnje i stigme u vezi ovog pitanja, te ističući prava i potrebe djece i porodica koje su suočene sa HIV/AIDS-om, takmičenje je promovisalo pozitivan i konstruktivan pristup ljudima suočenim sa ovom bolešću.

Iako su u mnogim slikama korišteni negativni, strašni likovi kao što su čudovišta i šprice za drogu pokazujući opasnosti ove bolesti i njenog širenja, ono što je bilo jako dirljivo je vidjeti slike gdje su djeca, kroz sopstvene inicijative i umjetničko izražavanje, pokazala suosjećanje za ljude koji boluju od HIV/AIDS-a, te su pokazali potrebu da se zaštite posebice žene i bebe. Jedan od crteža koji je pobijedio imao je jako lijep slogan: „*Borimo se protiv AIDS-a a ne protiv ljudi koji imaju AIDS*“.

Iako je prevalencija HIV/AIDS-a još uvijek manja u Bosni i Hercegovini, regija Centralne i Istočne Evrope i Saveza nezavisnih zemalja ima najveću stopu povećanja HIV infekcija u svijetu – stope prevalencije su se povećale za 150% u proteklih 6 godina, i ustvari su se povećale za dvadeset puta u manje od deset godina.

Ankete među injekcionim korisnicima droge koje je sproveo UNICEF, a finansirala švedska SIDA pokazale su da su u ovoj zemlji visoko rizična ponašanja prisutna, uključujući korištenje droga u ranoj dobi i nezaštićeni polni odnosi među mladima.

To je razlog zbog čega je bitno postići četiri cilja za petogodišnju kampanju koju vodi UNICEF, **Ujedinimo se za djecu, ujedinito se protiv AIDS-a**. Ciljevi su da se smanji procenat mladih koji žive sa HIV/AIDS-om; da se poveća pristup uslugama kako bi se spriječio prenos sa majke na dijete; da se osigura pedijatrijska njega za djecu kojoj je to potrebno; i da se zaštite i podrže djeca koja boluju od HIV/AIDS-a.

Bitno je da smo svi vođeni vizijom društva gdje djeca i porodice koje boluju od HIV/AIDS-a imaju potpunu njegu, dobijaju potpuni tretman i imaju duge i produktivne živote. Također bi nam trebao biti cilj da spriječimo širenje bolesti i eventualno eliminišemo je u potpunosti. Mnogi crteži učenika već imaju ovu viziju i zahvaljujemo im se što su nam pokazali moguću i neophodnu budućnost. U ime UNICEF-a, želimo ponovo da se zahvalimo svim partnerima, i radujemo se nastavku naše saradnje kako bi se ostvarili naši zajednički ciljevi za djecu, mlade, žene i porodice.

Ujedinimo se za djecu, ujedinito se protiv AIDS-a.